

賴久太郎著

日本政記

六

和書

一〇三九二號

和書門類			
一〇三九二號	函	架	冊
二	〇	九	八

內閣文庫	
番號	和 10392
冊數	8 ( 6 )
函號	139 170



A 1 2 3 4 5 6 7 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



日本政記卷之十一

賴襄子成 著

順德天皇

諱守成。後鳥羽第三子。母修明門院藤原氏左大臣範季女。在

位十一年。改元三。曰建曆。建保。承久。傳位皇太子。後二十一年。崩于佐渡。壽四

十六

十二月。天皇卽位于太政官廳。時年十四。尊先

帝曰太上天皇。關白藤原家實攝政。本院決政


院中。

建曆元年。辛未。春。立女御藤原立子爲中宮。故攝

日本政記

卷之十一 順德

賴襄子成 著



政良經女。

建保元年。癸夏五月。信濃人泉親衡奉故大將

軍賴家少子千壽起兵。討北條氏。北條義時遣

兵擊敗之。千壽逃之鎌倉。部將和田義盛起兵。

攻義時。及大江廣元不克死。

三年。戊申冬。義盛遺臣奉千壽舉兵。廣元部兵獲

殺之。

賴襄曰。和田義盛之舉事。非反實朝也。亦非

忠實朝也。特疾北條義時。而欲奪其權。故謀

取實朝以治之。而不克也。或曰。義盛受實朝

密旨以圖義時。反為其所激。而怒。輒舉以敗

故實朝。嘗眷顧之。又寵其孫朝盛。及事作。將

士疑所屬。可以見焉。吾謂激而怒則然。曰。愛

密旨則不然。夫義盛視利不知義者也。初要

賴朝於困窮。預求為侍所別當。其人如此。故

一幡之禍。賴家命之討北條氏。乃先告之時

政。以誤賴家。何敢受實朝旨。以圖義時。實

朝亦不至察義時之姦。引義盛自援也。其頗

朝亦不至察義時之姦。引義盛自援也。其頗

眷之者以其更事欲聽談說耳。寵朝盛者愛善歌耳。觀其戒朝盛勿同宗族。使誠在。名謀何以顯之言迹如此乎。且義盛亦何以舉族激訴乎。凡圖是人者是人。嗟我罵我。我不肯怒也。怒者非圖之也。使之怒者乃圖之也。吾故曰。義時與實朝圖義盛。夫此事何由而起哉。泉親衡擁千壽起兵。千壽故賴家子。是實朝所大忌惡也。而義盛子姪黨焉。故義時乘其畏而讒構之。曰。欲爲賴家復仇。不然知

和田氏之爲強宗。公然縛其姪。以面辱之。夫嗾人罵人而不顧者。必有所恃也。義時之爲之。非恃實朝之畏忌之哉。將士疑所屬。則以實朝不在幕府。故以其手書令之。而定矣。嗟夫。義盛雖不能忠實朝。而能疾義時者也。義盛亾則義時無復所憚。而實朝勢孤。是以遂斃於義時。而其斃之則使賴家子。乃其所以讒構義盛焉。而自用之也。

日本政記 卷之四 三 賴山陽

三年。北條時政患瘍卒。年七十八。

六年。冬立皇子懷成親王為皇太子。

承久元年。春正月。初賴家之及難有幼子。曰

公曉。避在京師。及長。義時以政子命迎之。補鶴

岡別當。公曉常欲殺實朝。及義時以復父仇。而

未得間。實朝為右大臣。二十七日。夜行拜賀禮

於鶴岡。大江廣元勸用晝日。且表甲自備。不聽。

義時捧劍從。及祠門。稱病作。授劍於源仲章。而

還禮畢。下階。公曉自暗中。斫殺實朝。及仲章。而

...

逃匿其弟子駒若三浦義村子也。因遣使謂義  
 村曰。吾當代為將軍。子為我計之。義村答曰。將  
 以兵奉迎。而急告義時。義時稱政子命。使趣殺  
 之。秋七月。義時等奏請以藤原賴經為鎌倉  
 主。義時執權。中納言能保賴朝妹夫也。其女適  
 攝政良經。良經生道家。道家生賴經。初義時欲  
 得本院皇子為主。本院不許。曰。是樹二主也。乃  
 請賴經。以有與源氏連親也。

賴襄曰。此條義時之弑其君也。已不下手也。

假手於其君之從子。而後誅從子。脫賊名而  
 取討賊之名。以奪君國。人莫敢議。自古弑君  
 之陰狡巧黠。未有如義時者也。然亦有所學  
 也。誰學。曰。學其父也。其父為之。而不中其子  
 再為之。而中術。有至與未至也。初時政縱其  
 女奔賴朝。而為不知者。欲居賴朝為奇貨也。  
 終擁之舉事。及事成。欲速其死。立外孫而已。  
 專其家也。何以知之。富士野之獵。曾我二孤  
 復其父仇。可以已矣。又犯大將軍幕。何哉。曰。

遂復祖父仇也。夫以十萬貔貅之衛，聚戟之環列，而敢欲突入朝，又其腹豈無大援內爲之主者而然哉？時政嘗眷二孤，親冠其少者，至與其名之偏名之，蓋指教其復父仇之便。而至祖父仇，則陰使人喚之也。當時至事聞，鎌倉使政子驚泣，則其危可知矣。幸而免耳。故曰爲之不中也。義時與曾我之子結爲兄弟，蓋知其故矣。故學焉，蓋亦使人喚公曉曰：今將軍者，子父仇也。子伺其拜賀，刺而斃之。

又賺之曰：苟能斃今將軍，則子者，故將軍之子也。可以代之。觀公曉成事報，浦義村使迎已而義村告之。義時趣命殺之，滅其口也。故曰再爲之而中也。而義村與其謀者也。大江廣元亦知其謀而爲不知者也。史稱廣元與義時議，諫實朝驟進官位，必嬰禍殃。又勸實朝及未昏行禮，衷甲而往，不聽。皆於事後飾言於衆，以掩已知其謀耳。豈非欲揜益顯者哉？夫以義時之狡黠如此，而又有多智之

日本政記 卷之十一 賴以輔  
士爲之腹心者。一時老臣宿將。蓋頗察知其  
故而蹤跡詭秘。莫能見端倪。故以政子之智。  
而終身不悟也。况實朝之純袴乳臭。日在其  
機械而不省。曷足任耶。或稱實朝亦知禍之  
迫而不可解免。欲赴宋遁之。命工造船。不可  
用而止。及拜賀之夕。將出。作歌爲訣。吾以爲  
皆戲也。審然何有不告政子。政子聞之。必大  
會諸將士。窮詰義時。卽座囚之。而特釋其族。  
則不終朝而事定。實朝雖優柔。而在政子辨

之不難。口愛其子。與庇其弟。其情孰重。故曰。  
不悟也。猶不悟其父之危其夫也。然則此條  
氏之蓄此謀數十年。今而發之中矣。而不自  
代立。何哉。曰。使人仆之。故亦使人代立焉。苟  
已代立。世將曰。已欲立而仆之也。故不敢立。  
而引二歲嬰兒立之。曰。是亦與故君連姻者  
也。可以立此位矣。其實猶立木偶也。故稍知  
覺運動則去之。更立不知覺運動者代之。是此  
條氏本謀。所以貽於九世者也。



三年夏四月天皇禪位於皇太子。上尊號太  
上天皇稱曰新院。上皇曰中院。以別於本院。  
九條廢帝。諱懷成。順德第一子。母東一條  
藤原氏攝政良經女。在位七  
十餘日。為北條義時所  
廢。後十三年崩。壽十七。  
天皇即位。甫四歲。太政大臣道家攝政。本院決  
政院中。初本院常憤源氏撓朝權。有圖鎌倉  
之志。置院西面土。親武事。至手造刀劍。及實朝  
遭害。謂威柄可復。而關東權勢自如。意益不平。  
幸熊野見仁科盛遠。攜兒伏謁道傍。本院擢為

三年夏四月天皇禪位於皇太子。上尊號太  
上天皇稱曰新院。上皇曰中院。以別於本院。  
九條廢帝。諱懷成。順德第一子。母東一條  
藤原氏攝政良經女。在位七  
十餘日。為北條義時所  
廢。後十三年崩。壽十七。  
天皇即位。甫四歲。太政大臣道家攝政。本院決  
政院中。初本院常憤源氏撓朝權。有圖鎌倉  
之志。置院西面土。親武事。至手造刀劍。及實朝  
遭害。謂威柄可復。而關東權勢自如。意益不平。  
幸熊野見仁科盛遠。攜兒伏謁道傍。本院擢為



西面義時稱右大將法奪其在東食邑朝旨還與之不奉敕會三浦胤義宿衛京師以事愆義時過期不還本院令親信就與謀胤義奮曰臣兄義村力能辨之本院大喜決策舉事五月訖城南流鎬馬集近畿兵密發使齋誥諭義村及關東諸豪義村告之義時義時大會諸將士請政子隔簾親問曰汝等聽院宣赴京師佐滅關乎抑一心戮力以全故右大將之業共保食邑乎卽時決對僉同聲答曰誰肯東向關弓諸

將請保足柄箱根大江廣元曰事久衆心變不知直西上犯關也義時乃遣子泰時朝時第時房分道西犯東兵稍稍追從得十九萬人而官軍虜一萬七千餘人分付諸將守美濃尾張越中間與賊遇皆敗時六月淀河方漲官軍猶有二萬五千分守宇治勢多及淀撤橋守射卻賊賊毀民家結筏以濟官軍敗績藤原朝俊及鏡久綱仁科盛遠八田知尚佐佐木氏綱經高等前後皆死之恭時入京師有敕曰此舉皆謀臣

所誤。泰時求首謀者。叔權中納言藤原光親等  
六人押送鎌倉。廣元引文治故事。盡處斬。斬于  
道。釋權大納言藤原忠信。越後以其與鎌倉  
有親也。秋七月。廢天皇立高倉帝孫茂仁。遷  
本院于隱岐新院于佐渡。雅仁親王于但馬。賴  
仁親王于備前。尋遷中院于土佐。

承久之事。以倍臣放流天子。天地反覆。論者  
皆曰。後鳥羽上皇之非舉。自取禍敗。此條義  
時不得已而犯闕。廢無道之君。以安天下。噫

假使此事克乎。則必曰。上師東伐。強藩伏誅。  
盛德大業。光前垂後。故彼因成敗論事者。必  
顛倒天下之是非。不可以不辨。賴襄曰。上皇  
可謂有志之君矣。雖然。苟有此志。非憂思勤  
厲。延攬英雄。遵養時晦。觀釁而動。不可度幾  
萬一也。乃游宴泄水。羶區區之馨。乃自鑄  
刀劍。其所共謀。非譬寵公卿。則遁逃將校。信  
其從諛。輕舉妄動。而欲以圖天下之老。姦巨  
猾難矣。故吾以上皇為有志而無謀也。如其



舉則不非也。此而不舉，坐視王權之日去。放  
祖宗舊物而不恤，可乎？曰：未得其時也。東藩  
雖乘亂攘權，然既建，立此大業，天下莫不畏  
其威服其恩，而欲以空拳擊滅之，當時已有  
以此諫之者，是未得其時也。襄又以為不然，  
曰：王師滅東藩，唯此時為然，所謂觀釁而動  
是已。烏謂之未得其時乎？吾特惜未得其謀  
耳。何哉？夫建此大業者，非源氏乎？天下之所  
畏源氏之威也，所服源氏之恩也。此條氏所

以專權者，以外戚源氏也，而陰殺其主者，再  
矣。有心其主者，因事誅鋤之者，數矣。關東將  
士皆知其心跡，而莫敢言，其間豈無慷慨憤  
激欲起而擊之者哉？特懷其食邑，頤其妻子，  
危疑相仗，莫能先發耳。當是時，使朝廷有智  
謀之士，改其誥旨，不曰滅關東，而曰復源氏，  
明諭之曰：故源賴朝有勲勞於王家，特命元  
帥統汝將士，襲之子孫，聞有賊臣，謀篡其業，  
欺其寡妻，陰斃其孤，而立異姓，嬰孩斷其血

食汝將七世受源氏恩與之比肩乃忍北面  
事之今朝廷盡發其姦徵天下兵誅之將變  
擇源宗以為汝主其守護地頭賴朝父子所  
署盡安堵如故能先王師殫彼醜類者更加  
疇賞敢昧向背旅拒詔命者同戮勿赦以此  
宣布七道足以竦動諸豪傑而破北條氏之  
膽夫藤原氏王氏之子非有恩於將士也猶  
且有挾以圖北條者况以源氏令之乎而甲  
信兩野之諸源聞之必人人自負皆可鼓舞

以為朝廷川縱使不能輒盪定何至一敗塗  
地耶唯其以滅關東為號關東滅則將士無  
生活之地故義時恭時得以脅之又犯而我  
以烏合之卒禦之故曰未得其謀也夫二位  
尼之厲將士人江三善之徒之畫毒策皆稱  
源氏舊業以挾其顛墜為言朝廷一同其指  
向則此輩勢不得不變為我徒十九萬人可  
使倒其戈也曰如此北條可滅源氏不可不  
復而王權可收乎曰我滅之我復之德在於

我矣。則權亦在於我。

北條時房鎮六波羅南北兩府

後堀河天皇  
諱茂仁。高倉皇丁守貞親子。  
母藤原氏。中納言基  
家女。在位十一年。改元六日貞應。  
仁嘉祿安貞寬喜貞永禪位皇太子。  
後元年崩。葬東山觀音寺。

後堀河天皇

諱茂仁。高倉皇丁守貞親子。母藤原氏。中納言基家女。在位十一年。改元六日貞應。仁嘉祿安貞寬喜貞永禪位皇太子。後元年崩。葬東山觀音寺。

後元年崩。葬東山觀音寺。

天皇踐祚於閑院甫一歲。八月尊守貞親王

曰太上法皇。所生藤原氏曰北白河院。冬十

二月天皇即位于太政官廳前關白家實攝政。

北條泰時時房鎮六波羅南北兩府。

賴襄曰北條氏可謂知制天下之術矣。既定

承久之難。留將鎮京師。建六波羅兩府。置四

日本政記 卷之四十一 賴氏藏版  
十八所籌卒。隸焉。名為護衛宮城。其實鎮壓之。猶大水之後。既塞其決溢之口。又植石柱水椿。以防後患也。於是遠近屏息。莫敢生心。四方望以倚安焉。而其威所被。遠及關西諸道。莫不奔赴聽命。譬之人。鍊倉胸腹也。兩府天臂也。而諸道指也。胸腹以使兩臂。兩臂以使衆指。關節脈理。運掉自如。所以能制天下也。彼其懲承久之亂。豈不欲直移幕府鎮京師哉。而有不可者焉。何則。關東者其根本也。不

可搖也。其巢穴也。不可離也。離其巢穴。搖其根本。而遠居京師。勢如樓泊寄託。烏能制天下。則異日之足利氏是已。故北條氏不爲也。秦時之始置鎮也。不以他將帥充之。而自當之。與叔父時房對守南北。重其任如此。及秦時歸襲執權。遇有內變。趣遣其子與從弟以鎮兩府。人勸其留以自衛。曰。鍊倉可虞也。秦時曰。不若京師之可虞也。可知其重之矣。蓋北條氏以足利氏所以處鍊倉者。以處京師

日本政記 卷之四十一 賴氏藏版

也。而足利氏獨任之。北條氏分任之。足利氏  
襲封之。北條氏更代之。故足利氏不得鎌倉  
之力。而常患其難制。北條氏能制兩府。得兩  
府之力。以制天下。可以爲後世之法。凡鎮兩  
府者。任久。乃召還執政。取其諳練京畿西國  
事。而當其在鎮。不必汲汲求遷。所隸兵士。又  
不徒備文具也。觀於元弘之際。亦足驗焉。又  
可以爲後世之法。

貞應八年。壬午夏四月。中院自土佐遷阿波。秋  
八月。內大臣藤原公經超伴爲太政大臣。其子  
中納言實氏兼右大將。

元仁元年。甲申夏。北條義時死。子泰時嗣爲執權。  
北條時氏時盛代鎮兩府。藤原光宗有罪。收其  
邑。放於信濃。

嘉祿元年。己酉夏六月。前陸奥守大膳大夫征夷  
府政所別當大江廣元卒。秋七月。故征夷大  
將軍賴朝配北條氏薨。



日本政言 卷之十一 十一 賴氏藏版

賴襄曰。抱濟天下之才。而不之用。士之所以為不幸也。雖然。用之而不得其常。不幸有甚焉。不若不用之為愈也。夫吾才不可自用也。則必求天下有力之人。借其力以濟天下。是之謂用人以成我事。以成我事而不暇擇。其人之善惡。得善人可矣。或遇惡人。勢不可中止。則其所成無往不惡。惡之大小。隨才之高下。才下則其惡小。才高則其惡大。以蓋世之才。濟滔天之惡。不為天下之戮者鮮矣。吾

於大江廣元見之。保平以還。天下大亂。廣元為源賴朝所收。進其計畫。以致平定。世以為賴朝之用廣元。吾以為廣元之用賴朝也。承久之役。北條泰時由廣元之策。以靖其難。亦廣元之用泰時也。夫賴朝之舉事。不過欲撫父祖之舊。處有一方。而其下皆粗猛樵朴。知効力戰鬪而已。及廣元持大計。往而教之。始說而從之。北條氏得京師。檄欲退守八州。非廣元決策。天下之亂。何所底止。非廣元用此

日本政言 卷之十一 十一 賴氏藏版

輩而何乎。蓋廣元之才足以濟天下而不為朝廷所知也。則不得不借關東之力以展之。苟借其力以濟天下。吾事成矣。彼源氏北條氏一起一仆。於我何有哉。是以賴家失行而不肯諫。實朝陷禍而不肯救。時政義時之謀篡竊而不肯齟齬。泛然中立。自免於禍。世不原其志所在。而咎其負於源氏。過矣。吾獨惜其所用以展其才者。非其人也。廣元獨非王朝世臣乎。莫已知則斯已。急於借人之力而

不知其助盜賊也。微廣元賴朝亦一桀黠將帥而止耳。何至坐攘王權如此哉。承久之役。流竄帝王。敢行悖逆。亦非秦時輩所能辦。待廣元附會故例。處分裁決。然後奉而行之。爾夫業已用是人以成吾事。是人之敗。敗將及已。故不能不竭力扶之。勢之必至。無足怪者。而其罪遠出源氏北條氏之上。廣元蓋悔而不及也。可不惜邪。抑吾又有為廣元惜焉者。管仲用小白。使之扶周。王猛用苻堅。使之無

侵管廣元之才足以用賴朝奉時矣則所以  
駕馭箝制之使不能肆其噬搏以陰報於王  
家者豈為無計哉嗚呼豈為無計哉

日本政記 卷之四  
新編 藤原

二年丙春正月以藤原賴經為征夷大將軍

寬喜二年卯冬十月中院上御崩于阿波 葬

土御門天皇立皇子秀仁親王為皇太子

貞永元年壬北條泰時頒式目五十條 冬十

月天皇禪位於皇太子

四條天皇

諱秀仁後堀河子母燕壁門院藤原氏崩政道家女在位十一年

年改元大日天福嘉禎曆仁延應仁治崩壽十二焚泉涌寺

十二月天皇即位于太政官廳甫二歲尊先帝

曰太上天皇關白左大臣教實攝政教實與將

日本政記 卷之四 四條 天皇



日本政記  
卷之六  
新羅國  
新羅國

德帝了忠成上而奉時遣安達義景立帝義景  
途還問有佐渡院皇子立則何為曰廢之遂立  
帝夏六月北條泰時死孫經時嗣為執權

秋九月新院崩于佐渡順德

寬元元年秋八月立皇子久仁親王為皇太

子

二年夏四月北條經時廢大將軍賴經立其

子賴嗣請襲職賴經年二十六賴嗣甫六歲

四年丙春正月天皇禪位於皇太子

後深草天皇

諱久後嵯峨第三子母人  
宮院劇原氏太政大臣實氏  
女在位四年改元五曰實治建長康元  
正嘉元元禪位皇太子後四十五年崩

壽六十一  
葬法華堂

三月天皇即位于太政官廳甫四歲關白藤原

實經攝政尊先帝曰太上天皇聽政院中夏

閏四月北條經時卒弟時賴為執權秋七月

時賴流北條光時於伊豆送還賴經於京師

寶治元年春實經罷以前關白兼經攝政

夏六月北條時賴及殺三浦泰村光村等滅三

浦

日本書紀 卷之十一 二十 賴朝

浦氏

建長四年壬初前大將軍賴經謀討北條氏不

成。春二月北條時賴廢大將軍賴嗣送還京

師。是月前關白道家薨道家賴經父也。浦

泰村之死也。其弟光村謂之曰嚮使從關白密

旨早決事。何有今日乎。北條氏聞之。又有賴經

事故廢賴嗣關白之薨世稱其不良死云。

三月宗尊親王為鎌倉主。夏四月詔拜親王

為征夷人將軍宗尊一皇皇子。冬十月攝政

兼經能以左大臣藤原兼平攝政

康元元年內冬十一月北條時賴有疾以子時

宗猶幼令族長時代為執權時賴聽決大事

正嘉元年內秋八月立皇弟恒仁親王為皇太

弟

正元元年內冬十一月大皇禪位於皇太弟初

帝多病上皇聽政及太弟生促帝遜位

龜山天皇

諱恒仁後深草同母弟在位十五年改元三曰文應弘長文永

禪位皇太子後三十一年崩壽九十七葬龜山山上

日本書紀 卷之十一 龜山天皇

日本政記 卷之四

十二月。天皇即位于太政官廳。年十一。關曰兼平攝政。尊先帝曰太上天皇。前太上天皇聽政院中。

弘長二年。癸亥。冬十一月。北條時賴卒。

文永元年。甲午。秋七月。北條長時罷。八月。北條

政村代執權。冬十月。前太上天皇薙髮稱曰

法皇。

三年。丙寅。夏六月。北條時宗廢大將軍。宗尊親王。

送還京師。立其子惟康。秋七月。詔以惟康為

征夷大將軍。市三歲。

五年。戊辰。春二月。元主忽必烈使來高麗。人為導。

朝廷下大將軍府。府議以書辭。無禮卻不受。

三月。北條時宗執權。政村為副。秋立世仁親

王為皇太子。

六年。己巳。春。元使復來對馬。對馬守遂還之。虜島

人塔二郎彌三郎去秋高麗送還二人。

八年。辛未。秋九月。元遣使者趙良弼至太宰府。府

索其書。答曰。當致王都。以寫本示之。府致之。鎌

日本政記 卷之四 續代義成

日本政記 卷之十一 後宇多天皇

倉欲必得報書以十二月為期猶不得答將以

兵問之朝議欲答書草示鎌倉時宗議俱兵答

書不可奏止答書令太宰府移牒逐遣良弼

九年壬申春二月法皇崩後嵯峨法皇在院聽政

十六年 葬後嵯峨天皇

十二年甲戌春正月天皇禪位於皇太子

後宇多大皇

諱世仁龜山長子母京極院藤原氏左大臣實雄女在位

十四年改元二曰建治弘安禪位皇太子後十七年崩壽五十八葬蓮華寺

三月天皇即位于太政官廳甫八歲關白藤原

忠家攝政尊先帝曰太上天皇聽政院中 夏

六月忠家罷以左大臣藤原家經攝政 冬十

月元人以兵三萬來攻對馬守護代宗資國戰

歿之遂攻壹岐守護代平景隆戰歿之虜悉殺

二島男子虜女子繩穿掌繫船外進侵沿海諸

邑燒箱碕洞寇太宰府府兵力戰防之少貳景

資射殺賊將劉復亨虜軍夜逃

建治元年乙亥夏四月元遣使者杜世忠等與高

麗人來講和五月致之鎌倉斬之命太宰府及

日本政記 卷之十一 後宇多天皇 後氏後改



日本此... 卷之... 十三... 勅... 藤...

冬十月攝政家經罷以前關白兼平攝政十一月立熙

仁親王為皇太子是月時宗以北條實政為九州探題

弘安二年己卯夏六月元將夏貴范文虎等來遣

部將周福樂忠通事陳光等至太宰府猶以和

議為言時宗令斬周福等於博多冬十月關

東將士至鎮西是歲元滅宋

四年己辛夏五月元大舉入寇以高麗人為前導

蔽海而至我兵拒之壹岐對馬不利益徵兵諸

道會太宰府廷議上皇宜避鎌倉召東兵守

京師而未果龜山上皇尤深為憂親祈石清水

奉手書於伊勢大廟祈以身代國難六月虜兵

據五龍山薄平壘北條實政督兵壓岸而陣下

視虜船部將草野七郎夜襲燒虜船殺獲十餘

人虜悉聚其船鐵鎖聯之設弩河野通有以輕

舸進矢中左肩遂登虜艦殺數十人獲一虜將

返我兵繼進力戰各有獲虜退保鷹島范文虎

懼先逃秋閏七月大風起虜艦敗虜爭上陸我

兵先逃秋閏七月大風起虜艦敗虜爭上陸我

兵擊滅之。

國朝自置太宰府以還非無外寇然止於三  
韓小醜未有如元寇之可患也而防而卻之  
使彼懲而不復窺者北條時宗之力也世俗  
之稱此役者曰賴宗廟之靈颶風大作不血  
刃而克是不足言也稍有聞識者乃咎時宗  
武人無謀慮殺元使者所以來此寇賴襄曰  
殺使者來不殺亦來殺之速其來耳何則忽必  
烈志在吞滅我邦以其所以滅趙宋者來擬

於我先遣使來書因我不受乃用兵剪屠慘  
酷以示其威則我懼而服也又遣使猶以和  
議爲言使我聽之則我爲趙宋矣稱藩納幣  
一不如其意將又加兵焉彼旣得我要領乘  
我罷敝大舉而來其勢便於攻宋宋阻一江  
我環大海宜若易守也其實有難焉者彼攻  
宋自一面來攻我自四面來扼吾要喉斷吾  
糧道杜絕吾兵之策應其禍豈可勝言哉而  
當時廷議必如宋之君臣苟免近禍而不恤

其後兵民之心亦如宋之將士不敢決於防禦如時宗則雖未知宋事而能慮及此也以爲不若早絕之以速其來之易防也是以斬其使以示不懼以報彼前日之寇辱而決我後日之守心誰謂之無謀慮乎吾以爲宗廟之靈誘時宗之衷以決此計不在颶風也是故時宗之所以處元防元不唯濟當時皆可爲後法曰所以處元則然所以防元如何襄曰節用蓄力不內自擾敵以逸待勞因其方

面之兵食而遣一將令之而已曰彼幸自一面來耳自四面來則何以防之襄曰四面皆有兵食在我所令之襄備論之使後世萬有一逢如忽必烈者必以趙宗爲戒而以時宗爲法



日本書紀 卷之十一  
三十一 東山

七年。仲夏四月。北條時宗卒。子貞時嗣為執權。  
八年。酉冬十一月。貞時攻殺安達泰盛。滅安達  
氏。泰盛以貞時外祖。為評定衆。與貞時家宰平  
賴綱相軋。賴綱譖之於貞時。曰泰盛子宗景自  
謂曾祖景盛實賴朝子。因有異心。貞時遂攻滅  
之。賴綱無復忌憚。無何謀反。伏誅。

十年。丁冬十月。天皇禪位於皇太子。上尊號太  
上天皇。自是帝曰新院。後深草上皇曰本院。龜  
山上皇曰中院。

日本書紀 卷之十一 三十一 貞時

伏見天皇

諱熙仁。後深草第二子。母玄輝門院藤原氏京極院妹。在位十七

年。改元二曰正應。永仁傳位皇太子。後十六年崩。壽五十三。火葬。附藏骨後

深草法華堂。

正應元年。戊辰三月。天皇即位于太政官廳。

冬十一月。新院皇子尊治生。

二年。己夏四月。立皇子胤仁親王為皇太子。

冬十月。北條貞時廢大將軍。惟康親王迎久明

親王為鎌倉主。詔以久明親王為征夷大將軍。貞

時聞惟康有滅北條氏志。遽廢之。倒載綱代輿。

送還世曰將軍流於京師。久明本院第三子。

北條氏之悖逆極矣。承久之事。既所不忍言。

敢廢立天子。進退宰輔。易置大將軍。如奕棋

然而其家得傳九世。無天道耶。賴襄曰。有天

道故也。天之立君為民也。非為君也。而暗君

以為為己也。猶君之置相為民也。非為相也。

而庸相以為為己也。吾前聖王若仁德若天

智若光仁。桓武宇多後三條。則不然。知天之

立己為民也。是以自儉勤以養民。其相臣亦

知君之置已爲民也。是以體君之心以養民。養民所以報君。不唯貪官爵而已。貪官爵而已也者。中古以下之相爲然。曰吾闢白也。吾攝政也。以驕天下。而不知攝政闢白之職爲何職也。不唯相爲然也。人主亦然。曰吾天皇也。以驕天下。而不知天皇之職爲何職也。未得之。以得之爲務。奔競爭攫。衆人廉耻。已得之。則務奢泰。淫佚。以位爲樂。以竭天下之民力。而以爲當然。是以盜賊公行矣。夷虜內犯。

矣。則曰是武臣之任耳。非吾所親治也。噫。如此而欲以長持大職。以託於民上。人豈聽之乎。所謂武臣者。則終身自戰。以除民害。而不能得朝廷官爵。官爵名也。權利實也。名出於朝廷。而實出於天下。以其實與源氏曰。是嘗竭力於民者也。故源氏收天下之實。而朝廷擁其名而已。然其曰右大將。征夷大將軍者。有其實焉。故朝廷亦從而予其名也。至其子孫。乃貪虛名。以買實禍。又忘其職。而樂於驕。

奢滯佚所以其權利歸於北條氏北條氏別  
立主以嗣源氏之名而已守其實唯守其實  
也故其世世所務在於養民養民非自儉自  
勤不可如曰吾務盡心於其實云爾名非吾  
所敢貪也是以北條義時雖遷官猶稱原銜  
子孫皆循其遺意終於相摸守武藏守而相  
摸守武藏守能易置大將軍能進退攝政關  
白能廢立天子何哉天下之實在於此也大  
下之實在於此而自儉勤以養民是不有天  
位而爲天職也雖不及前聖王良相之爲庶  
幾得其意者而當時天子與宰輔將軍徒擁  
其名以蔽其實欲收奪其權而不知天之所  
右在彼不在此不然烏以此悖逆無比之賊  
而得傳九世乎至於高時一爲驕奢滯佚則  
天誅不旋踵嗚呼豈無天道哉





時宗時宗乃奏立伏見及有為賴事世以為中院所使中院懼賜誓書於貞時事得寢

永仁六年戊戌秋七月天皇禪位於皇太子

後伏見天皇諱胤仁。伏見長子。母准三官藤原氏。參議經氏女。在位四年。改元一曰正安。禪位皇太子。後三年崩。壽四十九。火葬。藏骨深草法花堂。

天皇受禪于富小路殿年十一關白藤原兼忠攝政尊先帝曰太上天皇聽政院中八月立

邦治親王為皇太子冬十月天皇即位于太

政官廳十二月兼忠能以左大臣藤原兼基攝政

正安三年辛丑春正月天皇禪位於皇太子太子

後宇多長子時年十七長於帝三歲尊帝曰太

上天皇時本中新三院并前後伏見共五上皇

上皇之多自古所未有也

後一條天皇諱邦治。後宇多長子。母西華院源氏內大臣具守女。在位七年。改元三曰乾元。嘉元。總治。崩。壽二十四。葬北白河殿。

二月天皇即位于太政官廳新院聽政院中

秋八月。立富仁親王為皇太子。初伏見帝密使人言於貞時曰。中院每切齒於承久之事。立其後非卿家之利。貞時乃立後伏見。後宇多上皇。敕貞時以後嵯峨之約。乃請定後深草龜山兩統。每十年更立。於是後宇多皇子以後伏見再從弟為其嗣。是為後二條。伏見皇子以後二條再從兄為其嗣。是為花園。初賴朝以藤原氏近衛九條二家。更為攝政。後九條分為一條二條。近衛分為鷹司。凡五家。更為攝政。曰五攝家。

又北條氏所約山

賴襄曰。兩統迭立之議。出於北條氏。猶其分攝家為五派。使其勢相爭而不相合。而我得持權樹恩於其間。可謂巧詐極矣。而其取滅亡實基於此。夫以赫赫天統而敢分析之。以便於己。至每十年相更。恐有不獲罪讓於祖宗之靈者哉。蓋後嵯峨生後深草龜山二帝。其母同也。而後嵯峨專屬意於龜山。遺誡母后。以龜山之後。永承皇統。付後深草以封邑。



則大統已定矣。故後宇多以龜山子嗣立。宜也。而後深草以失勢憤懣。倚北條時宗以立其子。伏見帝又倚北條貞時以立其子。而後宇多持先皇遺旨誥之。於是乎迭立之議出。宜若出於不得已也。然當後深草伏見之託。使時宗貞時仗正義辭之。何有此紛紛哉。所以不辭者。非謂是可以持我權而樹我恩也。耶。抑亦有故也。後嵯峨雖為北條氏所立。然常陰憤皇道之陵替。而冀於匡復。雖已不得

其時望之於子孫。以為後深草之孱弱。不足有為。見龜山有英氣材力。可以庶幾焉。史稱朝廷有阪上田村鎮國劍後嵯峨臨崩屬后竊付之龜山云。夫田村非能誅東夷者邪。觀伏見帝告貞時曰。龜山每切齒承久之事。立其後。非卿家利。然則當時中外頗察其旨。是北條氏所以右後深草之統也。龜山之愛皇孫。祈其得位。猶後嵯峨之於已也。及花園之議儲。當立後一條之子。而後宇多曰。吾有所



慮故先立後醍醐由是觀之兩皇亦不得其時而望之於子孫也而後醍醐能不負其望誅宿猾於斧鉞之下復除難雪大耻後嵯峨之志於是而成而列聖在天之靈可以少慰矣而伏見之統每仇疾之每為關東間諜光嚴為北條高時所立光明又為足利尊氏所擁戴皆欣然受之不辭夫兩統均出於後嵯峨同源同本宜其耻其耻仇其仇也而如此其後南北分爭五十餘年八洲生靈肝腦塗

地雖叛臣之罪亦王室之不思懿親也及兩統合一足利氏亦舉迭立之議故致海內之嗷然夫足利氏之勢非比條之北無復事於持權樹恩也而仍襲其故其禍亂不止骨肉相殄豈非亦獲祖宗之譴者哉

嘉元二年甲辰秋七月本院崩 葬後深草天皇

三年乙亥秋九月中院崩 葬龜山天皇龜山上

皇性英發有膂力多材藝而滂蕩皇后中宮外

所幸凡十六人至通後宇多之皇后典侍

德治三年戊戌秋八月天皇崩 是月北條貞時

廢大將軍久明親王送還京師立其子守邦詔

以守邦為征夷大將軍 葬後二條天皇

花園天皇 諱富仁伏見長子母顯親門院藤原氏女輝門院異母妹在位

十二年改元四日延慶應長正和文保禪位皇太子後三十年崩壽五十二葬

日本正記 卷之十 三十三

萩原殿。

天皇踐祚于正親町殿。關白藤原師教攝政。

九月立中務卿尊治親王為皇太子。

延慶元年。甲戌冬十一月。天皇即位于太政官廳。

攝政師教罷。以左大臣藤原冬平攝政。

應長元年。辛亥冬十月。北條貞時卒。族基時貞顯

連署行事。以貞時子高時猶少也。

正和五年。丙辰北條高時執權。時年十四。基時辭

連署。高時舅秋田時顯與內管領長崎圓喜受

遺囑輔高時。

文保元年。乙酉九月。前太上天皇崩。葬伏見

天皇。

二年。甲辰春二月。天皇禪位於皇太子尊治。尊治

後宇多第子。於龜山。上皇為皇孫。生而英敏。

上皇愛之。常置左右。欲其得位。所之有清水。以

後二條長且無過。不可超次立之。及花園踐祚。

議以後二條皇子邦良為儲貳。後宇多上皇曰。

朕有所思。且先立尊治次及邦良乃立之。

日本政記 卷之十一 三六 藤原

日本政記卷之十一

日本政記卷之十二

賴襄子成 著

後醍醐天皇

諱尊治。後宇多第二子。母談天門院藤原氏內大臣師經

養女在位二十一年。改元八。曰元應元

亨正中嘉曆元德元弘建武延元崩于

吉野行宮壽五十二。葬吉野山麓藏王堂。

三月。天皇即位于太政官廳。尊先帝曰太上天

皇。稱新院。立皇姪邦良親王為皇太子。法皇

多聽政院中。元應元年。已秋八月。立藤原氏禧子為中宮。廉

日本政記

卷之十二後醍醐

賴朝

子爲勝。後稱三位局。禧子太政大臣實兼女。廉子右中將公廉女也。

元亨元年。醉冬十二月。法皇還政。帝始御記錄所。聽斷民訟。廢京畿除大津葛葉外。諸新關。帝留意政治。日與公卿及儒臣。討論經史。僧玄慧以才學聞。又召侍讀。

二年。夏。大旱。穀價踊貴。敕減御膳。救檢非違。使別當源親房。閱飢民賑粟。定沽酒法。喻京師富戶發糶。置場監賣。是歲春。陸奧人安藤堯

勢叛。北條高時遣兵擊之。不克。高時少荒縱。委政內管領長崎高資。高資貪多私。堯勢與族季良爭邑。訟各納賂。高資兩納之。不決。故叛。高資圓喜子。襲爲宰者也。

賴襄曰。承久以後。天下武人。無一人叛北條氏者。至此陸奧人安藤堯勢叛。鎌倉遣兵擊之。不克。士之叛北條氏者。始於此。而北條氏兵威之絀。亦始於此。雖無王師。其亾決矣。况天討乘之乎。夫其兵卒。非必有缺也。糧餉非



必有乏也。將帥非必無才也。昔者以新造之家嚮背未定之時。而能抗拒天子之討。挫六軍之勢。如摧枯拉朽。今藉累世之權。四海盡服之威。乃不能克一安藤堯勢。是其故何哉。兵之強弱。不在其鋒。而在其本。本弱則末細。譬之水心蠹。當其未蠹也。加以大風暴雨。而挺然不折。一得蠹。蠹者其心而已。其幹之壯。枝葉之茂。依然也。童稚攀搖之而動矣。故北條氏之兵力依然也。高時一爲頑率奢傲。以

失人心。則其招衰細如此。抑不唯此也。其外戚與家宰專其政。政以賂成。是北條氏之大蠹也。堯勢共其族爭邑。而訟內管領長崎高資。兩受其賂。不決。所以怨而叛也。所以討而不克也。豈不可爲後世之戒哉。北條氏先世非無外戚與家宰也。而未專政也。義時秦時之際。三浦氏以外戚輔謀議。而時賴之世。安達氏又以外戚與之相軋。時賴右安達氏以滅三浦氏矣。貞時又滅安達氏矣。其親漸遠。

愛憎遞變其勢固然莫足恠者推時賴貞時之心猶其滅畠山氏和田氏適足以除其逼耳而貞時既除安達氏而復親倚秋田氏其妻父也而所以除安達氏者由於平賴綱之力其內管領也賴綱雖敗其甥長崎圓喜又為宰為政而高資以其子襲焉貞時臨沒願高時幼弱遺囑圓喜與秋田時顯輔佐之以為宗族不足託孤足託孤者莫若外戚與家宰而不知此二者實亡北條氏也猶東漢之外戚宦官相為消長而終亡於二者貞時初患外戚賴內管領以滅之不懲而倚秋田氏已而內管領以橫邪敗又不懲而用長崎氏何其不明也故北條氏之亡不獨高時罪也雖然北條氏之於源氏實兼外戚與家宰而為其所親倚得以篡其家嗚呼流俗之見每速禍敗非一世也而天道好還如此亦不獨可罪貞時也

正中元年甲夏六月法皇崩 葬後宇多天皇

秋九月北衙鎮將殺藏人土岐賴兼多治見

國長叔中納言藤原資朝藏人頭藤原俊基送

於鎌倉遣中納言藤原宣房諭解高時

二年丑高時奏放資朝于佐渡俊基還京師帝

視北條氏失人心謀誅滅之與資朝俊基謀陰

援武人可用者每會議脫衣冠縱酒結其歡心

稱曰無禮講又憚外議召僧玄慧講韓文事覺

訊俊基無禮講俊基曰吾文臣不知他唯知玄

日本書紀 卷之十一 孝德天皇 五 聖德太子 慧講文是文禮講謬傳為無禮耳

嘉曆元年丙寅春三月皇太子邦良薨。秋七月。

立本院後代皇子量仁親王為皇太子。時帝第

三皇子護良有英姿。帝愛之。欲立代邦良。喻旨

北條高時。高時舉貞時約。不奉詔。令護良削髮。

號尊雲。補叡山座主。因結僧徒心。居大塔。世稱

大塔宮。冬十月。前大將軍惟康親王薨。是

歲。北條高時有疾。宰高資勸之。薙髮。欲讓執權

於弟泰家。高時不聽。以族守時。維貞連署行事。

三年。戊辰冬十月。前大將軍久明親王薨。

元德二年。庚申夏四月。殺大判事中原章房。帝謀

滅北條氏。章房諫。帝恐語漏。使人陰殺之。五

月。北條氏捕僧圓觀。文觀處流。以其囑密詔。允

誑北條氏。秋九月。高時疾。高資專權。密令其

族高賴圖之事泄。流高賴陸奥。

元弘元年。辛未秋七月。地大震。富士山崩數百丈。

北條氏收右中辨藤原俊基。八月。北條高

時遣其將二階堂貞藤等。率兵入京師。帝幸笠

置山護良親王擊東兵于辛碕走之已而衆潰  
奔南都 詔四方勤王召左兵衛尉楠正成

九月北條高時奉量仁親王於京師稱帝遣兵  
犯行在 冬十月行在陷天皇幸宇治御平等

院賊遣使奏請傳神器於新主帝不許曰神器  
自在帝王所守非臣下可取與奪且鏡重已失

獨有劍必欲相迫朕將自用之賊欲遷之六波  
羅帝使備行幸儀而後往 楠正成起兵勤王

據赤坂城賊將大佛貞直等攻之不能克正成  
以糧盡逃入金剛山 備後人櫻山茲俊起兵

衆潰死之

二年春三月天皇遷隱岐備前兒島高德

欲奪駕起兵不成 夏四月車駕幸隱岐御國  
分寺

賴襄即位之初厲精政治舉行恤  
民之典而關東多秕政人心不服朝廷與東

藩勝負之勢不待交兵刃而決矣大鷲鳥欲  
搏必斂其翅不斂其翅而露其搏擊之機適

曰此言... 朝臣... 卷之...

足以困敵已正中元德之際不其然乎同謀  
公卿武人既見囚執使北條氏變究詰本源  
豈不危殆帝之下誓書於關東雖治龜山之  
例其為計可謂窮且醜矣及東吏再來又用  
苟且詭詐之謀徒倖一時雖有智勇忠義之  
士施其謀略而機會皆失不能救其蒙塵也  
幸而拔賊之衰運得義旗四合纔致歸闕反  
正身向使帝藏其鋒養其銳舍圖賊之謀而  
益務自治之術賊已失人心叛者驟起俟其

龍極擠其將墜用力寡而無後患何必曰兵  
哉且使帝不能已於兵乎如楠正成近在畿  
甸及其平時訪求謔謀必有萬全之策寄行  
在於形勝之地以招聚四方之豪傑其知義  
効順與欲釋憾於北條氏者將雲合霧集天  
下之事可以指顧而定矣不必投偽器於光  
嚴也不必許寵爵於足利尊氏也如帝之所  
為其濟者幸也不然與承久異者幾希矣雖  
然承久之事我作彼應元弘之事我求作而

曰此言... 卷之...

彼來犯因危而發出死得生以激天下之義  
氣其勢然也當賊徒駕火路觀者公罵此條  
氏不忌其時然也崎嶇憂辱而未嘗失其常  
無懼怯求免如後鳥羽者其主德然也嗚呼  
是其所以異於承久歟

楠正成出金剛山復赤坂徇和泉河內 五月

賊兵來攻正成逆擊大破之進陣天王寺 護

良親王起兵吉野

三年癸酉春正月天皇在隱岐 二月賊大舉來

攻閩月吉野陷護良逃正成固守不下 上野

人新田義貞在賊軍奉護良親王命還上野起

兵應正成 播磨人赤松則村起兵應正成

天皇還幸伯耆州人名和長年舉族奉之 三

月帝遣左近衛中將忠顯率兵東上兒島高德

...

等從之。與赤松則村等會攻六波羅。夏四月北條高時遣足利高氏名越高家援六波羅。高氏直犯行在高氏。遣使歸順。赦許之。高家與赤松則村戰于狐川。敗死。高氏還軍。五月諸軍進攻六波羅。拔之。鎮將北條仲時等奉新主及兩上皇東奔。近江兵邀擊。仲時等皆死。新主上皇還。遂收京師。金剛山圍解。車駕發行在。新田義貞改拔鎌倉。誅高時。滅北條氏。奏捷。夷大將軍守邦親王薙髮。尋薨。六月楠

正成迎謁于兵庫。敕前驅入京師。車駕還闕。論諸公卿受新主官爵者罪狀。貶削有差。詔罷置闕。賜足利高氏御名尊字。任左兵衛督。尋遷參議。護良親王請誅高氏。不許。拜為征夷大將軍。入朝。秋七月。詔諸國休士卒。勸課農桑。八月。置決斷所。議賞軍功。時將士聚闕下者。數萬。爭功。紛拏不決。使權中納言藤原實世司之。旬月。僅定二十餘人。以多失當罷。以權中納言藤原藤房代之。覆審。而內降得賞者已多。藤





房知不可諫乃稱病不朝代以民部卿藤原光經上自擇北條高時邑為供御以奉家邑賜護良親王大佛貞直邑給內侍三位局其餘近習僧尼伎樂以內降多受地雖軍功論定無地可頒內敕與外議牴牾往往數人爭一邑所在武人頓失勢被奴虜使天下囂然復思武門之治冬十月詔遣皇子義良出鎮東邊准大臣源親房輔之以參議源顯家為陸奥守兼鎮守府將軍上野介結城宗廣為副詔曰古者皇子若

大臣皆親臨戎方今王政維新不宜分文武為二途親書旗銘賜衣馬陸辭顯家親房長子置評定所引外眾如鎌倉故事十二月以皇子成良親王為上野大守出鎮鎌倉以左馬頭足利直義為相摸守輔之直義尊氏弟也

建武元年甲戌春正月營大內以安藝周防租賦充費徵諸國地頭歲入二十分一始造楮幣

二月鑄新錢立恒良親王為皇太子恒良帝第六子內侍廉子所生上兩中宮並無子長子



尊良第三子護良皆官人所生。廉子得寵。從幸  
 隱岐。及歸。益專房。善迎合上意。無言不聽。請託  
 皆驗。以護良有大功。恐害太子。足利尊氏因深  
 結之。夏五月。出雲獻千里馬。冬十月。權中  
 納言藤原藤房弃官去。囚大將軍護良親王。  
 十一月。流護良於鎌倉。令相摸守足利直義  
 監之。是歲置武者所。以新田氏族為頭人。以  
 上野大守成良親王為征夷大將軍。置關東廂  
 番。以足利氏族掌之。錄元功。以足利尊氏為第

一。為武藏常陸下總守護。直義達江。新田義貞  
 上野播磨。其子義顯越後。其弟義助駿河。楠正  
 成攝津河內。名和長年。因幡伯耆。赤松則村播  
 磨。尋奪則村職給佐用莊。

中興之政。失乎賴襄曰。不然。論者皆謂之失  
 矣。所謂失者。何哉。將門尸政久矣。而一旦收  
 之。代以朝紳。如柄鑿不相入。失矣。曰。令楠正  
 成名和長年等。參直記錄。所置關東廂番。與  
 州評定衆。掌其方事。置武者所。以新田氏族

日本政記 卷之十三 十三 勅 勅 勅  
爲頭人遣皇子鎮鎌倉以足利氏輔焉則不  
必專付搢紳也曰武人采邑基布七道者非  
一日而猝奪之速其怨憤失矣曰歸闕之翌  
月詔除賊黨外將士所有食田領職一皆襲  
故不須與來請則不必奪也曰有功將士群  
聚闕下望賞者不輒予不能塞其欲失矣曰  
所謂有功孰若新田足利楠名和赤松等哉  
士卒之効力亦隸此數氏者居多歸闕之歲  
卽論賞割予十壤不悵一家各領三四州少

者三州於其部曲蓋足以推恩分祿而有  
餘則不可謂不塞其欲也總之當時之政弊  
皆得其宜合時勢愜人情何謂失乎然則無  
所失乎曰政不失也而所以爲政者失矣所  
以爲政者何也曰人主之心是已謂其意欲  
太廣好侈喜大乎曰否吾以爲其欲不廣所  
喜不大耳昔者漢高祖滅嬴斃項百戰有天  
下猶躬被堅執銳芟刈韓彭英盧之類至與  
匈奴冒頓戰見蕭何營宮室怒曰天下恟恟

日本政記 卷之十三 十三 勅 勅 勅  
三 鎮 鐵 板

成敗未定何爲此等世謂天下既定矣而高祖則曰未也推其爲心非盡掃蕩天下可慮者不克其所欲也稱高祖曰大度謂其心之大如此爾今帝纔斃一狂童之高時則謂宇內無復足慮者是以遇足利尊氏之降則遽寵爵之以幸其可倚纔得歸闕卽晏然燕息以營官室爲急以悅妃嬪爲務雖有記錄所蓋不數親臨而日居於內內教所令與外廷指揮母與牴牾武人之邑徃徃爲內官私給

愜然思亂固其宜也吾嘗觀藤原藤房之因龍馬進諫恠以藤房之有舊恩豈無可諫之地何必延乎彰主過而沾已直乎蓋非因出觀馬則不輒得面奏也公卿自然况將帥乎故天下之政無一所失而盡爲文具虛言者由此其故也使帝之心常如元亨以前而不加建武以後則縱使政事少有所失而不至再取困踣也唯夫其心不大其量易滿故當其未得則勤厲及其已得則懈怠待天下之

群雄苟充其欲適其意以與無事其少欲者  
安於此矣至其姦豪者溪壑之欲愈于愈不  
充非盡奪我業則不已彼之心乃大於我我  
何以能制彼哉

二年。夏六月。權大納言藤原公宗謀逆伏誅。  
公宗右大臣公經之後。承久之役。通北條氏後  
世相黨。援出五后。至是。匿北條氏遺孽。謀亂。欲  
請帝幸其別第。因行弑逆。事發。收流出雲。尋伏  
誅。秋七月。北條時行招聚餘黨。攻鎌倉。時行  
高時次子。直義使人殺護良親王。挾成良親  
王西走。

世稱護良親王。察足利尊氏之姦雄。欲先誅  
之。而後醍醐不聽。及聽尊氏之讒。因護良。付

日本政言 卷之十一 十一 賴氏 賴氏  
之足利氏致斃於其手。中興之不終決於此。而致乘輿板蕩。天下鼎沸。五十年者皆尊氏王之爲也。賴襄以爲不然。曰。當是時天下之高桀黠若尊氏者。豈爲少哉。殺尊氏則一尊氏生矣。且尊氏肆斬親王之僕隸。戢不法云爾。其及跡固未著也。其有異志未可必也。使帝聽護良執而誅之。以何辭徇天下。天下必曰。朝之忌武臣有望者。因事誅鋤之耳。雖若新田義貞輩。人人自危。變其忠志爲自固之

計。則是又殺一尊氏而生數尊氏也。中興之業不待他日而墜矣。故護良之說非也。帝之不聽是也。曰。帝之不聽護良而殺尊氏則然矣。其聽尊氏而殺護良如何。曰。非聽尊氏而殺也。帝固欲殺之。不待尊氏也。何以言之。帝初愛護良。至欲爲儲貳已。而三位姬得寵。生恒良。義良成良。欲立恒良爲太子久矣。護良雖削髮爲僧。而贊帝謀畫。及帝徙隱岐。蓄髮將兵樹功最大。是姬之所最忌。忌其害太子

也。姬從帝於艱難。猶唐韋后之於中宗。哀誓  
固寵所言皆聽。蓋浸潤之譖。日夜先入。護良  
之下。令新田氏。權用詔體。是承制也。而可譖  
曰。是有自立之志。猶唐肅宗靈武之事也。帝  
始歸闕。護良未入朝。而兵歸焉如雲。帝遣使  
詰其欲何爲。促使歸僧服。帝何以爲此無情  
之言乎。可以見其已猜嫌之矣。護良不察。而  
望爲元帥。帝益猜之。而勉從之。欲殺之之機  
已成矣。護良復不察。而請誅尊氏。姬知有此

大隙而幸之。教尊氏使告其叛也。而帝欲殺  
之之機決矣。尊氏雖侮朝廷。非有所恃。烏敢  
駕虛言。誣大事。以構天子之父子哉。是以護  
良獄中上書。而莫敢奏達者。當時中外知帝  
意在殺之也。夫監護良。豈無他人。而付之其  
深仇。非其意殺之而何哉。初護良已爲大將  
軍。宜遣鎮關東而不遣也。遣成長。以上野大  
守鎮鎌倉。遣義良鎮陸奥。而恒良爲皇太子。  
及護良得罪。陞成長爲大將軍。兄爲國儲。二

日本政記 卷之十一 東山 片  
弟典兵權。可見帝最愛此三子。至此成其志矣。成其志。乃成姬之志也。乃成尊氏之志也。尊氏初志。或未至此。視帝之所爲。顛倒每事。僂於我。翹然自喜。遂覬覦非望耳。猶唐玄宗自殺二子。愛楊妃。而寵安祿山。自取播遷之禍。尊氏門地。非奚胡之比也。而論其才。則姦而不雄者。帝養之而成。其爲姦雄也。不然。以帝之英毅。不世出。苟執其初心。無所惑繆。則雖有百尊氏。何能爲。而何必殺之。

八月。足利尊氏請白將討時行。許之。又請任征夷將軍。管領關東。不許。功成議之。尊氏不辭而發。至駿河。與直義合。擊時行走之。詔賞功進位。促班師。不奉詔。開府于源賴朝故址。自稱征夷大將軍。關東管領。遂移書西道諸國。發兵以擊新田氏爲名。冬十月。上書誣奏義貞初觀望。聞臣克京。乃敢起兵。義貞又上書自辨。陳尊氏八大罪。十一月。詔奪足利尊氏官爵。以中務卿尊良親王管領東國。左兵衛督新田義貞等



日本政記卷之十一  
賴朝鼎片  
從之。由東海道。彈正尹忠房親王由東山道。鎮守府將軍源顯家奉義良親王。會于鎌倉。同討尊氏。

賴襄曰。國朝用郡縣之制。雖宗室親王。不任藩雜。如三大守。則爲國司。又遙領之而已。其奉邑。槩散在數處。少擅全國者。擅全國者。乃藤原氏。如美濃公。越前公。全收其租賦。而族黨之邑。殆跨天下。及平源代起。蓋襲藤原之故。而加以兵馬之權。所以朝廷不能控御之。

也。後醍醐蓋視其弊矣。故中興之初。乃分諸皇子出鎮邊要。其後征東征西。皆以皇子爲將軍。建藩置屬。經略天下。其勢猶漢末四建宗室。非此莫能濟時艱。其所處置。可謂合事宜矣。其諸皇子皆肖父皇。不少英毅材勇之人。躬擐甲冑。蹈險致死。非復前朝純袴之習。雖然。就其中論之。不無優劣。護良親王其最可任者。使之鎮鎌倉。帝可以高枕無東顧憂矣。而遇讒而死。成良義良。口猶乳。臭名爲藩。

帥非有實効。况成長既爲足利氏所挾。纔得未死耳。是以遣尊良忠房二人。年齒差長。可以有爲矣。雖然。非護良比也。帝亦知之。故以新田義貞兄弟爲副。而令義良與其副源顯家以與兵會焉。使賊腹背受敵。其計可謂周密矣。而有不可者焉。夫義良係所素置藩鎮。猶之可也。至尊良忠房。則適足以掣義貞兄弟之肘耳。夫建藩與遣將不同。建藩鎮撫於無事。遣將征勦於有事。有事者速定其亂

而已。故遣一猛將。將數萬精兵。專其委任。無所牽制。得以盡其謀與戰。雖猶賊姦臣據其巢窟。及其勢成。不難於覆而取之也。今以元帥屬親王。而義貞爲之所厭。其威令既不伸矣。及戰。其先潰敗者。親王之卒也。而義助爲之所撓。以此當關東。一心戴賊之兵。其敗績奚足恠哉。而義良所將與兵。雖不及期會。入援京師。朝廷得其力。則建藩之効也。

日本政記 卷之十一 三十一 勅以備先

尊氏遣兵討擊義貞連戰破之十二月至箱根  
兵部少輔新田義助奉尊良親王與賊戰于竹  
下不利鹽治高貞大友貞載叛降賊官軍敗績  
赤松則村久下時重等爭起應賊詔召還義貞  
延元元年丙春正月尊氏入犯救義貞守大渡  
諸將分拒山碕宇治勢多藤原師基守峰堂先  
敗諸官軍尋敗帝幸叡山諸將從之結賊親光  
佯降賊刺尊氏不克歿之賊將細川定禪據園  
城寺以逼行在源顯家奉義良親王以陸奥兵

尊氏遣兵討擊義貞連戰破之十二月至箱根  
兵部少輔新田義助奉尊良親王與賊戰于竹  
下不利鹽治高貞大友貞載叛降賊官軍敗績  
赤松則村久下時重等爭起應賊詔召還義貞  
延元元年丙春正月尊氏入犯救義貞守大渡  
諸將分拒山碕宇治勢多藤原師基守峰堂先  
敗諸官軍尋敗帝幸叡山諸將從之結賊親光  
佯降賊刺尊氏不克歿之賊將細川定禪據園  
城寺以逼行在源顯家奉義良親王以陸奥兵

日本政記 卷之十一 三十一 勅以備先

入援與義貞攻掖園城寺。義貞追與尊氏戰大破之。屯京中。賊反襲。義貞敗退。東山道官軍還至。義貞及左衛門尉楠正成等與賊再戰。又大破之。賊西走。一月。追至兵庫。賊走保筑前。依少貳賴尚。菊池武敏以其兵討之。不克。車駕還官。進義貞左近衛中將。三月。詔義貞管領山陽山陰十六國。討尊氏圍赤松則村於白旗城。不能下。夏四月。新田義助與兒島高德夾攻。敗。遣將據福山城。御下美作諸城。是

月。本院月。秋。葬後伏見天皇。五月。尊氏稱

後伏見上皇。官。占。大舉東上。自率舟師使弟直義率陸軍攻陷福山。義貞解圍退陣兵庫。備後守兒島範長與赤松則村兵戰。死之。範長高德父也。詔楠正成以兵部兵援義貞。賊水陸兩軍會兵庫。義貞不利。退。左衛門尉檢非違使兼河內守楠正成與賊戰于湊川。死之。官軍敗還。帝復幸叡山。六月。尊氏入京師。據東寺。遣兵犯行在。中將源忠顯。少將藤原雅忠等戰沒。義貞

日本政記 卷之十三 東上麻州  
等進攻京師不克。伯耆守名和長年歿之。秋  
七月。北國兵入援。救山徒。招南都僧兵。又分遣  
諸將。發畿內兵。斷賊糧道。因遣義貞兩攻京師。  
皆不利。八月。尊氏立豐仁親王稱帝。號用建  
武。是為光明帝。時人語曰。親王未有一戰功。將  
軍賜之帝位。九月。尊氏又啗利南都。南都叛。  
又令足利高經扼北陸道。佐佐水高氏絕近江  
糧道。新田義助數攻近江。不克。官軍大困。冬  
十月。尊氏請降。邀軍駕許之。令新田義貞奉

皇太子暉良及尊長親王。經略北陸道。車駕還  
京師。尊氏幽帝于花山院。悉奪從駕朝臣官爵。  
十一月。尊氏迫請傳神器於新上。以偽器授  
之。十二月。帝潛幸古野。建行宮。居焉。帶刀楠  
正行與其族和田正朝等來衛正行。正成長子  
也。

賴襄曰。孫子論兵。以道為先。天地次之。將法  
又次之。元弘之能勝北條氏。由彼之失道。而  
延元之不能勝足利氏。由我之失道。道失則

日本正記 卷之十二 三十一 東戶將軍  
人心背。人心一背。天下糜沸。雖有將帥智勇。什倍足利氏者。莫之能戡。况朝廷使用之耶。其宜乎。而乖其宜者。失地利為最焉。夫地利之於兵。大矣。楠正成之初舉義。以一城受百萬兵。而不屈者。據險固也。否則元弘之績。不可得而成也。况於延元。既失其道。又失其地利。何謂失地利。曰。京師形勢。本不及關東。故北條氏足利氏皆據關東為巢窟。以能制朝廷。而朝廷習於故常。常以得失京師為大故。

故論足利尊氏之功。居新田義貞之上者。以為尊氏能為我取京師。使我歸闕復位。義貞之覆鎌倉。不必切我利害也。夫遣尊氏東伐。如放虎於其穴。固大錯矣。及遣義貞討之。如探虎穴。固難。必於勝。義貞無他奇道。而平行東海。轉戰千里。遇賊於險。宜其敗。即如賊之計。則得矣。以為義貞新來。鋒銳。遠巡誘之。使其竭勢力於無用之地。東海平夷。至箱根。則高彼仰我。俯我以生兵。乘彼之疲。則彼潰。

矣是同鬪關東地。賊得利而官軍失之也。抑  
上野越信亦新田氏之舊鄉也。向令義貞歸  
焉。招其部曲固守其所連之與羽。吾憑其高  
瞰賊於卑。可以控制尊氏。雖及其敗。山道之  
軍。與與羽之兵。未缺而將會也。令義貞收餘  
兵。猶能成軍。得一險固城塞。據之與諸軍合  
勢。尊氏必慮根本。不能舍之以入犯。如播丹  
之叛者。以一楠正成治之。而有餘。奈何遽召  
還義貞。以成賊追擊之勢乎。是非亦恐失京

師故耶。及賊取京師。官軍再戰得克之。賊既  
遠離其巢。無穴可入。而樓泊海滋。不於是時  
急勦殄之。而唱凱振旅。使其雍容。上船樓西  
兵復來。誠不可曉也。世咎義貞之遷延。失機  
吾以爲是亦朝廷之意。以旣得京師。不必復  
恤縱敵。故召還諸將也。賊則據白旗之險。以  
櫻官軍。而得以其間成再燃之計。朝廷至此  
不聽正成幸敵山之策。從禦之郊甸。令以見  
卒格鬪平地。弃正成而不察者。亦憚再舍京

師也。及敗，方行其策，晚矣。然亦可固守焉。以爲後圖矣。乃聽賊僞和，又弃義貞而不顧者，亦喜於歸京師而未暇慮其他也。噫！其重京師也如此，何知其形勢之劣萬難守哉！夫太湖淀水之固，天設以爲大和，非爲山城也。此城當屬山陰者也。敵山支太湖，使之曲行，京城其大麓餘地耳。故迫狹傾仄，守之以防外寇，如在堤下與堤上人鬪，如立牆根，僅恃一溝以受敵於庭，故有一寇來犯，非舍而上敵

山不可守也。或逃於江，或避於丹，聽寇入京，還而攻之，寇亦不能守。足利氏十三世亦每如此。彼非不知其地不利，不如關東也。慮於南朝，不得不居此，而巢窟之地，守以子弟爲深根固蒂之計，是以數搖而纔保耳。男山之役，尊氏覺南朝襲京之謀，而委之義詮，自赴鎌倉者，亦慮根本也。而南朝乃不專圖其根本，而仍急於取京師也。數取數失，是以終不能成。臣復焉。故曰：失地利也。然足利氏亦不



能覆咫尺之南朝者何哉人和地形險固勢  
高於山城而楠氏據河內爲之藩屏也雖然  
要之南朝與足利氏其失於道而不能服人  
心者莫能大相異者其勝敗相持五十餘年  
著以此

二年。丁丑。北朝光春正月。新田義貞奉皇太

明帝建武四年

子在越前金崎城。賊將足利高經、高師泰等以  
大兵圍之。義貞遣義助、義顯募兵。杵山義助留  
子義治而還。義治得兵來戰。敗。瓜生保等死之。  
義顯、義貞長子。三月。義貞、義助潛出城。赴杵  
山。將募兵來救。未至。城陷。由良具滋、長濱顯寬  
說義顯使人奉皇太子逃杵山。尊良親王自殺。  
義顯以下殉之。皇太子爲賊所獲。護送京師。

秋八月。鎮守府將軍源顯家及結城宗廣等奉

義良親王入援與足利義詮戰利根川破之。  
冬十二月新田義興以上野兵從顯家遂攻鎌  
倉走義詮義興義顯弟義詮尊氏子。

三年戊寅。北朝。曆應元年。春正月顯家及諸將西上與

賊將土岐賴遠桃井直常等戰美濃破之顯家  
軍所過侵掠民苦之尊氏議守宇治勢多高師  
泰曰自古未有守宇治勢多而能克者乃邀擊  
之美濃背黑血川陣顯家轉出伊勢。二月顯  
家與其弟少將顯信至南都桃井直常與其弟

直信拒之顯家敗走。三月顯信軍男山顯家

軍和泉與賊相持。夏四月尊氏醜弑皇太子

及成良親王。五月顯家與賊將高師直戰界

浦歿之。六月師直圍顯信男山帝手詔召新

田義貞援男山先是義貞攻越前府城拔之足

利高經走保足羽義貞從攻之未下兒島高德

建策留兵通北國糧道又諭敵山歸順乃使義

助分兵入京師尊氏聞之召還師直師直曰不

拔此而卻敵必踵之。秋七月師直放火燒官

日本政記卷之十二  
軍資糧因急攻拔之。顯信走河內。義助至敦賀。擯之引還。與義貞合兵。攻高經。高經結平泉寺僧徒。修藤島等七寨守之。閏月。義貞遣兵攻藤島。自出為斥候。中矢卒。年三十八。前上野介結城宗廣奏請陸奧地。可敵海內之半。是以三年間兩次入援。皆資其力。宜及其民心未變。撫為朝廷用。朝議然之。以源顯信為鎮守府將軍。奉義良親王往鎮焉。源親房結城宗廣從之。九月。遇颶風。舟四散。親王與顯信至篠島。親房

至常陸。宗廣至安濃津。宗廣以不得夷賊。憤懣成疾卒。



四年已卯。此朝曆應二年。春三月。義良親王還吉野。秋八月。天皇不豫。立義良親王為皇太子。禪位而崩。葬後醍醐天皇。

日本政記卷之十二

日本政記

卷之十二

二下 負式歲友



日本書紀  
卷之十一  
三十九  
東土  
新羅

庫	文	閣	内
三 九 函		一 〇 三 九	和 書
二 架	八 冊	一 號	類